

帶經堂集卷五十七

歙門人程哲校編

新城王



蠶尾續詩三

南海集下

南海神祠

茫茫百粵間衆水歸扶胥下
滙波羅江日夜相灌輸
嗟我兩虎門衛此陽侯居
神宮壓滄溟潮汐在階除
我駕萬斛舟乘風但斯須
飛廉送旌麾龍伯爲前驅
百靈何蜿蜒穹龜與長魚
將命肅牲醴來格神所愉
振衣浴日亭遙見三足烏
咫尺躡樊桐覽彼天帝都

三十五

蠶尾續詩卷三

一

登浴日亭

乘槎興不盡復欲帆去南溟
夕次扶胥口朝登浴日亭
鳥夷紛破碎天水倒空青
一望窮寥廓真看

小洞庭

使院懷幼華都諫

項以典試使
粵亦居此院

春半炎州苦煩熱清晨初試葛
衣涼懷人二月小寒食照眼
一枝紅佛桑定有新詩千首
富都無寶劍百金裝我來君
去如瓜代極目天南少鴈行
與元孝翁山蒲衣方回王顧
諸子集光孝寺

寺舊名名虞苑

在虞功曹故宅

一鳥鳴灌木招提春雨餘偶來方外遊踪跡似閒
居清池浮水薤碧藻躍文魚輕颺散訶林葵樹交
扶疎灼灼佛桑花紅豔驚珊瑚追昔賢迹俯仰
懷赤烏孝廉自英雄江左盛文儒魯周闡外寄張
顧府中趨如何虞仲翔獨此悲向隅青蠅爲弔客
千載同歎歎

善提壇

一花五葉後此樹留孤根枝條徧震旦老幹無冬
春我來瘴海遊入此甘露門秦松與漢栢瑣細皆
兒孫清池澹疎雨妙義聞風旛菩提本無樹更與

智者論

鷲尾續詩卷三

二

五羊觀

仙人騎五羊傳聞萃於此仙去羊獨留片石母乃
是臧穀兩俱亡寢訛亦相似安得王初平重來叱
之起

洞庭表罽園元孝翁山蒲衣遊海幢寺遂至

海珠寺

扶胥潮未落白氎上輕艇高閣諸天外層城一水
涯春江沙步雨古寺木綿花珠石中流是延緣路
未除

蒲澗寺贈范公

我來蒲澗上菖蒲方紫茸水流危石底雲出半山
中布席枕榔樹吹衣荔子風還將鐵如意日暮對
支公

灑泉寺

閑隨綠蘿去忽與碧谿逢水石微通徑煙霞獨倚
筇寺門編笏竹磴道入雲松尚憶安期子青天跨
白龍

登粵秀山

越王古臺上春暮復登臨割據無秦漢滄江自古

三十九

蠶尾續詩卷三

三

今風吹鼇背雨日射虎門陰欲問呼鸞道荒涼蔓
草深

歌舞岡

歌舞岡前輦路微昌華故苑想依稀劉郎去作降
王長斜日紅綿作絮飛

廣州竹枝六首

潮來濠畔市名接江波魚藻門邊淨綺羅兩岫畫欄

紅照水蜚船齊唱木魚歌

海珠石上柳陰濃隊隊龍舟出浪中一抹斜陽照

金碧齊將孔翠作船篷

梅花已近小春開朱槿紅桃次第催杏李枇杷都
上市玉盤三月有楊梅

佛桑花下小迴廊曲院深深牡蠣牆細熱海沈銀
葉火金籠倒挂試收香

鬢雲盤髻簇宮鴉一線紅潮枕畔斜夜半髮香人
夢醒銀絲開遍素馨花

才到花朝似夏闌雨紗霧縠間冰紋洋船新買紅
鸚鵡却苦羊城特地寒

詠蕃劍贈客

蕃劍來何處知從海舶長當軒秋水色脫匣列星

蠶尾續詩卷三

四

行鋒使箠笊折神應魑魅藏倘逢暴公子櫛具有
輝光

詠長壽寺英石

石黃色如蜜珀
狀亦奇物也

愛此招提石鏗如哀玉彈晴天起雲霧遠勢出峰
巒池上潮新長

池與江
通潮汐

窓中蘚故寒悠然謝袍笏一

日百迴看

登六榕寺浮圖

舊名寶
莊嚴寺

六榕不可見地以大蘇名白社無人到蒼苔滿院
生塔窮炎海目山擁粵王城欲假南溟翼扶搖談

上征

與諸公約遊小金山

靈峰名最古亦有妙高臺
拳石浮空闊滄波足溯
洄德雲何日去坡老記
重來更約三生話輕風
引渡杯

僞漢劉龔冢歌

紇于山雀凍欲死朱五經
兒作天子紛紛負販皆
侯王山牛兔絲粵中起
中原頽洞久風塵遂使庸
奴竊邊鄙黃屋左纛歷
四世坐斥洛州爲刺史昭
陽溝水流真珠論車却
笑燒沈水金銀當日錮
三泉帶劍上陵嗟已矣
苦將肖像擬休屠金蠶
玉魚誰料理茂陵甲帳
出人間況爾區區安足
齒驪山地市竟如何銀
海茫茫同一軌

蠶尾續詩卷三

五

大將軍孝揚弟餞別海幢寺即席有詩賦答
元戎小隊到禪扉
蹋閣攀林興不違
賦似江淹頻惜別人如楚客
送將歸貝多樹下花沾席
璫瑁潮邊雨濺衣
最是斑駁留不得陸郎行處正芳菲

別嵒孫元孝翁山方回

耆舊海南偏相思二十年來攀貝多樹
別負荔支天江晚饒芳草山春有杜鵑
別離無限思都付蠶人船

羚羊峽

逆流入西江已闖高峽中何年神羊跡靈輿開鴻
濛灘江挾牂牁日夜來向東怒流會端州奔湊朝
祝融萬仞束洪濤大哉造化功龍嵒雲雷窟黯澹
蛟鼉宮更聞溪中石價與瑤琨同當年貢天家千
指勞人工鼈行九地底下與水府通微軀一不戒
崩墜誰能窮尤物古所歎念此心忡忡

羚羊寺

古寺四月中尚有木綿花殷紅照羚羊苔壁何紛
葩下有東江亭俯臨硯洲沙牂牁萬里來遠勢如

盤尾續詩卷三

六

修蛇高峽扼其衝天險逾褒斜寺當兩峽口石徑
交哈呀紅泉尚分飛竹筧通坳窪西望端州城七
星莽周遮明當陟其巔舉手搴匏瓜

沈佺期羚羊山寺賦云
中有紅泉分飛碧石領

七星巖石室

北斗森魁杓何年化為石散落南斗旁光芒色相
射遙填端州城七峰張幕帟崧臺屹中央晝靄仙
靈宅天帝觴百神於茲互主客巖竇鳴鼓鐘石乳
亂矛戟往往鳥獸形竒譎蕩精魄其旁兩洞天豁
豁幾年闢水聲暗澎湃時有蜿蜒跡云此龍所宮
終古雲霧積沉沉抱珠睡五嶺慳雨澤吾欲割其

耳雨工起鞭策坐使瀝湖盈乘流挂帆席

時旱甚瀝湖竭

題松臺

石室松臺儼畫圖百神觴罷散清都七峰處處供
人眼莫笑淹留類賈胡

上屏風巖磴道未及霄關而返

暮登扶嘯臺欲問含珠徑山月出未高羣峰忽已
暝清露滴生衣孤松偃危磴何處仰霄關雲中一
聲磬

登閱江樓二首

水自蒼梧下山將荔浦連潮增炎海漲春入夜郎

蠶尾續詩卷三

七

天樓閣凌空起雲峰壓座偏不因衝瘴癘誰見此
山川

七星橫北郭南抱閱江樓龍氣千山雨牂牁萬里
流島夷新市舶節鎮古交州好記須陵望他年賦

壯遊

山海經鬱水出象郡入須陵東南即此水也時海禁初開

端州別魏昭士因寄和公於廣州

人生如萍蓬飄轉少根蒂況復出處殊合并安可
計我夢翠微峰岩崑在天際幽人侶猿鶴石門掩
松桂詎意萬里遊相見炎海裔世事苦匆匆傾蓋
忽分袂我攀庾嶺松君飽珠江荔阿戎共扁舟崧

臺暫流憩良會那能常宿昔紛鼓柝澗水方南下
離江復東逝中宿潮不來何由慰迢遞

三水月夜別陳閔孝程燕思

碧天月晶晶江水風蕭蕭明發一爲別孤踪千里
遙梅關稀見鴈中宿不通潮好寄相思子他時慰
寂寥

重遊飛來寺

我昨遊飛來乃自東峰始得隴復望蜀夢落西峰
裏歸棹粵江潯煙雨孤篷底菩提解迎客一笑呼
屐齒繚繞曲棧危宛與蜀道似數折得石壁萬笏
摩空起如丁如步欄神工信竒詭西巖隱飛瀑迸
罅流石髓烏啼脩脩竹花覆濛濛水平生禽尚志
歎息吾衰矣笑問白足僧胡爲羨衣紫

黃石磯夜雨

春枕夢忽破決溜鳴篷窓驚雷碾陰峽急雨縱奔
瀧新涼卧桃笙遠夢生楓江起坐祝媪龍添波送
歸艤

大廟峽

夜泊黃石磯急雨如萬弩朝過大廟峽怪石蹲渴
虎靈祠出叢薄飛甍粲可數美人珥明璫侍者拾

翠羽春蘭與秋菊無絕此終古落帆薦溪毛蘋花
媚中渚神光乍陰陽朝雲無處所欲去更徧徘徊
榔颿飛雨

大廟峽寄黃庭表太史

自清遠至滇
陽亦曰三峽

出峽復入峽舟行多苦辛青山蠻徼外黃帽越溪
濱迢遞經寒雪飄零惜好春佛桑花下酒應憶北
歸人

十五夜峽口對月寄廣州諸故人

峽口今宵月其如客思何離離見珠斗穆穆展金
波故壘餘蕭勃殘山弔尉佗蜺江猶一水相望似

三十九

蠶尾續詩卷三

九

秋河

雨入滇陽峽

野泊開頭早重陰入峽寒側過釣魚石逆上牯牛
灘雨逼驚瀧失雲從大壑看十年經劍閣轉見路
行難

滇陽峽

峭帆入臯石絕壁太古色山川方出雲白日轉昏
黑浩浩一水逝蒼蒼兩崖逼雄雷地中奮坤軸倏
傾仄十步一盤渦下視窈難測云中穴蛟蜃呀呷
擇人食牯牛灘名尤險絕艱虞萬夫力石棧緣秋毫

百丈牽江直慘慘鷓鴣啼猿不遑息尚憶符韶
州錫名架閣擬巴夔事往逾百年遺踪半湮泐陵谷
一俯仰感歎情何極

歸度大庾嶺

大庾連橫浦艱難此再經鬢從五嶺白山入百蠻
青嶠水流炎海榕陰數上驛亭今宵望南斗漸遠
使臣星

抵南安

嶺南已負荔支天橫浦重過意惘然暫借谿樓看

山色蠟花如雪寺門前

南安人以蠟樹
為業彌望皆是

三十一

蠟尾續詩卷三

十

舟入雙牌峽

橫浦雲陰薄晨光翳碧虛江邊寒進艇峽口靜灘
書幔捲時來燕溪清獨羨魚萍浮任流轉踪迹似
閒居

贛州別鴈水

與君暫相見揮手古虔州孤棹山俱遠雙江水亂
流急灘穿詰曲深竹叫鉤輞離別兼羈旅中宵感
白頭

新塗道中懷門人林公韞兼寄丁鴈水

七載相思木蘭道那知相見鬱孤臺江湖瀕洞扁

舟遠賓主東南一代才伏兩闌風朝復暮滄波白
鳥去還來三洲不共窪樽飲懷抱何因得好開

豐城曲江亭

磯山高百尺磯下曲江流芳杜蕭蕭暮金花歲歲
秋金花潭青峰相嫵媚白鳥自滄洲已矣干將氣宵分
望斗牛

吳城登望湖亭寄周南康星公

東南臨眺美何如信有孤亭切太虛極浦長風生
左蠡畫簾清晝對匡廬九江潮汐迎人遠五老鬢
眉見面初明日玉淵潭上酒共看飛瀑駐籃輿

三三十一

蠶尾續詩卷二

十一

鄱陽湖舟中望廬山

月明出彭蠡照見南康城向夕滄波闊羣峰煙霧
生杖藜訪匡續沽酒酌泉明誰識高歌意臨流自
濯纓

與豹人星公往白鹿洞次迴流山

廬山何高高白雲在山腹倏忽縈山椒亦或帶山
足上下無定姿頃刻屢移矚山徑不逢人樵歌出
深谷何處遞松聲風泉滿林麓

初入五老峰謁白鹿洞呈湯佐平先生

忽忽遠城市浩浩臨滄洲良辰愜竒賞始遂廬山

遊威紆屢轉壑窈窕時經丘潺湲風瀑瀉蒼蒼石
川流騎牛緬往迹眠鹿欽前修風景宛猶昔年運
條已邁唯有五老峰屹立忘春秋紫芝驚漢帝黃
石招留侯泉石不我遐桂樹生山幽

自白鹿洞至三峽洞

溪行少阡術沿洄屢迷津馬蹄怯危石欲下還逡
巡出谷見稻畦煙火自成鄰日午聞雞啼衰徑見
遺薪薜荔衣怪樹山風恐行人舉首五老峰白雲
如魚鱗遙青遞隱現光景相鮮新望望玉峽亭聊
可垂吾綸

三五

蠶尾續詩卷三

七

三峽橋

五里間瀑聲轟轟若車千兩谿迴見飛梁穹若虹百
丈衆流會三峽峽門扼其吭建瓴沸驚湍排空削
層嶂石激水斯怒水橫石逾壯水石終古爭怪
竒紛萬狀日射金井潭濺沫出橋上日光散青紅
雨絲亂飄颺絕境遇兩蘇何人繼高唱

玉淵潭

已歷三峽橋更訪玉淵水水流大壑中路轉層松
裏片石橫百仞其右平如砥九十九飛瀑一門爭
萬軌崖崿直要衝跳盪不得止雪浪如車輪凸凹

忽奔駛激射為深潭神物潛尺咫夜黑風雨來鱸
鮪皆避徙久立凜毛髮薄雲漏餘晷西眺石人峰
梵唄空中起

栖賢寺

李渤讀書處乃在栖賢谷何年作招提來尋愜幽
獨僧舍如蜂房高下傳山麓雲來漢陽峰時就簷
下宿古寺無所有修竹間喬木野衲喜客來欣然
設茗粥便欲置草堂巖栖於此卜

彭蠡守風送豹人往南昌

茫茫彭蠡雨漠漠匡山雲雨帶孤帆去雲將別緒

蠡尾續詩卷三

三

紛蛟龍深自喜牛馬望難分三峽橋邊水扶筇昨
共聞

萬杉寺

朝過玉京山緬想陶公里谿迴得寺門曲折杉松
裏雨中念佛鳥交語清人耳風吹修竹林下有寒
泉水

開先瀑布

神龍擘空冥颯沓雙峽開青天露鱗甲白晝行風
雷峽偏不得逞掉尾揚其頰千仞忽開豁下有布
水臺嘗聞龍奮迅三昧何雄哉誰能一鉢盛終古

相喧逐夜來雷雨怒大石為崩摧龍遊引九子煙
霧紛徘徊偉矣南宮書鐔上有米元章大字破壁鑿崔嵬有語不

敢吐以俟冠古才

開先寺贈顯公

古寺昇元舊興亡感至今晴天雙瀑下急雨萬松

深但有龍聽法何須地布金琴高不可即陰峽畏

登臨

蘇公開先漱玉亭詩
欲從琴高生云云

招隱橋

萬仞黃巖瀑流過招隱橋長松吹細雨水石共瀟

瀟

二五九

甌尾續詩卷三

萬竹亭

宋守樓
构命名

大竹如盆盎森梢覆古巖試嘗甜苦筍亭上脫春

衫

佛印松

印公手植松挺若舟千斛山空孤月明傳聲亂飛

瀑

南唐元宗讀書臺

猶存讀書臺不見昇元閣寂寂青桂花巖間自開

落

青玉峽

廬南萬古峽常有野雲封朝來雷雨過白日下飛龍

聰明泉

手掬聰明泉一滴大海味不逢桑苧翁知希我方貴

王文成紀功碑

文成摩崖碑其字大如手萬古一浯溪光芒同不朽

寄題三疊泉

坡公賦廬山選勝僅取二開先與三峽雙瀑誰軒
輒此遊兩經行竒觀偶然遂遺恨三疊泉扶筇未
一至譬如禽慶遊五嶽得其四他年謝羈鞅更擬
探靈閔一削陸羽經別續廬山記

大孤山

宮亭湖上好煙鬟倭髻初成玉鏡開霧閣雲窓不
留客蘋花香裏過鞋山

石鐘山

蘇公遊賞後餘韻石鐘山水石長如此行人自不
閑鶴巢丹壁上魚鬪翠微間安得乘明月扁舟數
往還

小孤山守風

已過落星石前臨大雷岸水宿淹期程日暮中流
半紉紉戍鼓鳴蕭蕭水禽散愁對小姑祠靈風送
波瀾

彭澤雨泊有懷陶公

陶公令彭澤柴桑一舍耳猶對匡廬山共飲西江
水一朝悟昨非扁舟歸栗里笑指故山雲吾心亦
如此我來彭澤縣秫田沒沙觜急雨送寒潮三歎
顏延誄

即事二絕句

蠶尾續詩卷三

十六

吳頭楚尾浪花麤終日彭郎對小姑楊葉洲邊望
煙火江南江北雨糝糊

往來不見馬當船三日蘆中少爨煙東望皖公才
百里金陵難似上青天

江上看晚霞三首

彭澤縣前風倒吹三朝休怨峭帆遲餘霞散綺澄
江練滿眼青山小謝詩

白浪空江斷去人連朝風色起青蘋小孤山外紅
霞影定子當筵別是春

瀟瀟寒雨暗潯陽日日江潮過馬當東望滄溟天

萬里乘風欲度赤城梁

過馬當

曾望亭前水拍天青山缺處有人煙煙波不見天
隨子時有僧舟乞施錢

皖城懷古四首

憶昨經過射蛟浦今朝還望盛唐山大江日夜流
如昔武帝雄風去不還天馬蒲桃空塞外飛廉桂
館自人間茂陵抔土秋風裏玉女何曾解駐顏
龍舟曾馳錦帆風回首淮南事不同降邸已聞營
汴上皖公猶自落杯中豫章一去歸何日廬阜重

三〇八

蠶尾續詩卷三

七

來隱未終苦憶舒州徐騎省江潮東下雨濛濛
清水塘邊余闕祠雲霄浩氣凜鬚眉英姿颯爽猶
橫槊古砌荒涼只斷碑鶴化千年非故國雞鳴十
廟不同時皖江便是田橫島義士悲歌爲涕洟
羅刹磯頭落日懸侍中遺跡至今傳楚壘有恨沈
魚腹蜀魄何心化杜鵑家國幾看陵谷變江山猶
痛革除年青溪血影留遺石巾幗還應愧世賢

泊夏家口二首

秋浦猿聲夜孤舟客乍聽星星見漁火已到卸帆

亭

山
已近梅根冶江流更幾灣明朝風日好應見九華

曉望銅官山

空江寒月落坐失九華峰回頭望秋浦何處九芙蓉
曉日銅官上洩雲連五松碧雞好毛羽安得一
相從

荻港

荻港東來指赭圻估帆停處一鷗飛大江小汊縱
橫入蓼岸藤灣遠近圍勝地不留逋客住暮潮開
送夕陽歸黃公戰處今殘壘憑眺休登板子磯

蠶尾續詩卷三

大

板子磯

板子磯前路風帆之字行紅花將翠篠的的可憐

生

石上紅花低照水山頭翠篠細
含煙楊誠齋題板子磯詩句

三山磯

澄江日夕淨歸鳥投前浦明霞散淪漪輕颺澹容
與南臨春穀溪北眺濡須塢何處是三山沙頭駐
鳴櫓

蠓磯靈澤夫人祠二首

白帝江聲尚入吳靈祠片石倚江孤魂歸若過劉
郎浦還記明珠步障無

霸氣江東久寂寥永安宮殿莽蕭蕭都將家國無窮恨分付潯陽上下潮

江行望識舟亭

鳩茲北面識舟亭天際歸帆望杳冥松竹陰中孤塔白樓臺鼓處數峰青赭山人去生春草江水潮迴沒舊汀更憶于湖翫鞭迹吳波不動客揚舲

天門山歌

亦曰蛾眉山

昨過蛾眉洲今到蛾眉山楚江東來似明鏡雙眉日日相彎環江水東流浸明月月上山頭更清發若教寫作十眉圖橫雲却月俱奇絕太白昔日賦天門謫仙風流今尚存文漪搖曳緒飈起落霞卷舒嵐氣昏自笑一生湖海客半載浮家仍泛宅夜涼星斗正闌干欲上山頭呼太白

天門山夜泊

萬里孤舟泊今過博望山勝遊非夢到絕域此生還列宿垂江闊疎螢點鬢斑宵分望明月歸思折刀環

牛渚望青山

峰色如橫黛江光似射羅昔人行樂地今日復來過小謝青山宅桓公白紵歌

近白紵山

他年尋菌閣終向

此巖阿

采石太白樓觀蕭尺木畫壁歌

落帆向牛渚直上太白樓錦袍烏帽太瀟灑迴看
四壁風颼颼蕭生何年畫此雪色壁峰巒出沒煙
嵐稠元氣淋漓真宰妬江湖頰洞蛟龍愁吳觀越
觀上海日蒼煙九點橫齊州祝融諸峰配朱鳥瀟
湘洞庭放遠遊峨眉雪照巫峽水佳廬瀑下彭湖
流須臾使我行萬里瞥如怒隼凌清秋我生海隅
近岱畎西游曾上瞿唐舟昨登五老弄瀑布却臨
三峽窺龍湫七十二峰身未到蒼梧已略天南頭
太白遊踪徧四海晚愛青山采石聊淹留丈夫當
為黃鵠舉下視燕雀徒啁啾

太白祠

白也祠堂在前臨牛渚磯風流映江左山水尚清
暉小謝東田近開元舊事非姑溪好風日遊子亦
忘歸

然犀亭

不是溫忠武誰堪第一流飛書先赴難洒淚獨登
舟赤幘驚幽渚黃旗指石頭孤亭臨玉鏡浙浙荻

蘆秋

蛾眉亭

采石磯頭百尺亭下臨天塹畫冥冥天門中斷楚
江闊日日蛾眉相對青

烈山

古寺紅牆出翠微莓苔石壁滴人衣一行白鷺衝
船起却上半巖松頂飛

過三山

三山二水古今同如練澄江碧映空二十餘年到
江左依然拄頰望雞籠

抵金陵

佳麗金陵道垂楊夾去津潮迎落帆客花映倚樓
人依舊青山繞如何白髮新昔遊三十載髣髴記
前塵

石城橋示倪鴈園太史

昔作秦淮客朱樓賦洞簫白頭故人盡重上石城
橋

江浦道中田家

田家無面勢茅屋各東西細雨開蔬圃流泉入稻
畦水牛風處卧沙燕浦邊低農圃吾生拙飄飄愧
杖藜

雨過醉翁亭四首

琅邪山色好蒼翠連州城日夕巾車去煙蘿通徑
行四山新雨過數里聞泉聲悵望昔人遠彌深方
外情

出郭逢樵牧橋迴境已幽門前苐溪石

即菱溪石

亭下釀

泉流禽鳥鳴何樂松篁颯似秋吾生嗟太晚不及
醉翁遊

風景非疇昔亭猶號醉翁曾將幽咽意迸入七絃
中我欲攜琴客臨流撫古桐不逢沈夫子噉噉夜
猿空

三之二

靈犀續詩卷三

三

歐梅映池閣半畝散清陰老榦猶存古孤花開至
今冰溪尋寺遠雪路入山深此際巡簷好寒香伴
苦吟

望琅邪寺

琅邪遺古寺南望隔層巔苔蝕陽冰篆溪流庶子
泉羊牛下山徑鐘磬發孤煙未許行勝去僧房借
榻眠

晚至豐樂亭

豐山高不極到寺已昏鴉一塢含桃樹滿山烏柏
花僧雛汲幽谷

泉在幽谷

活火試新茶歸去松蘿暝巖城

報暮笳

天慶觀

宋立端命殿於滁以奉
藝祖又置觀於其側

宋家天慶觀古迹近千秋原廟春供祭衣冠月出
遊莓苔蒼鼠竄風雨杜鵑愁西洛諸陵遠蒼茫接
汴州

西澗

西澗蕭蕭數騎過韋公詩句奈愁何黃鸝喚客且
須住野渡菴前風雨多

澗上有野渡菴
取韋詩命名

清流關

蕭蕭寒雨渡清流苦竹雲陰特地愁回首南唐風

三十一

蠶尾續詩卷三

三

景盡青山無數繞滁州

懷王隼梁無技

王字蒲衣梁字
王顧皆南海人

二子才何妙開門對海濱繡經裁白氎行藥過青
春綺麗誇宮體風流似晉人最憐閨閣裏清詠玉

臺新

王婦潘梁
妹皆工詩

寄蒲澗範公

憶訪菖蒲澗榕陰席屢移泉聲微雨裏江色夕陽
時空谷無殘客諸方問導師杼山詩法好慙負白
雲期

見田家飯牛者意有所感賦得牛飯就松涼

故友宣城梅
香梅句也

黃犢東臯暇青松北澗生卧餘芳草軟飯處午陰
清甯戚歌偏拙華陽計早成勞勞行役者三歎憶
巖耕

歸次臨淮

歸路仍淮水崎嶇嶺海餘我行萬里道未得一行
書漁戶緯蕭接估船吹笛初今宵孤館裏鄉夢復
何如

苻離

萬里歸來兩鬢蒼閱他南漢又南唐短衣射虎心

猶壯重過苻離古戰場

雨中渡河望黃樓

已見河魚上冥冥雨未休一條飛白浪十丈捲黃
樓杳靄龍山隱空濛雉堞收平生仗忠信欲下呂
梁游

錢牧翁喜李長蘅詩穀城山好青如黛滕縣

花開白似銀實佳句也予冬夏兩過滕不
見一花因成絕句

薛北滕南屢問津遠山如畫黛眉新唯餘底事堪
惆悵不見花開白似銀

嶧山即事

雨足煙村事不閑
家家驅犢出柴關
棗花香徧濃陰合
水碧沙明望嶧山

大汶口

岸石如羣羊渴者飲於水
飲罷或寢訛鞭箠驕慵起
何來西岳精偃蹇洪濤裏

奉符古城

我行奉符城不見崑崙迹
何處仙人閭青山繞長陌
唯聞党竹溪髣髴南村宅

徂徠山

蠶尾續詩卷三

五

雲陰移徂徠影覆汶河水下
有賢人居清風被田里
一抔詎能容千秋今廟祀

楊家磴

名守道故居在山下北王村

詰曲皆紅泉縱橫半白石
石映月明時泉喧風雨夕
愛此故鄉山臨流布瑶席

夔口峽

岱宗趨肅然

吾鄉長白即史記所謂禪泰山下陞東北肅然山亦曰副嶽也

陰齊陽則魯中

有夾谷臺連峰作門戶
石壁造天關蕭蕭綠蘿雨

大洪泉

怒泉如車輪突出絕壁罅
漉漉石上鳴潺潺雨中

帶經堂集卷五十八

歙門人程哲校編

新城王士禛貽上

蠶尾續詩四

雅益集

丙子春奉

命祭告西嶽西鎮江瀆出都却

寄李容齋相國陳說巖司徒彭羨門少宰

四首

早歷卽嶮萬里程那知垂老又西征六飛正決平

戎策

時駕
特出塞

九折寧辭叱馭行華嶽終南春浩蕩錦

江玉壘氣崢嶸山靈處處曾相識只怪秋霜兩鬢

生

蠶尾續詩卷四

一

年年待漏集修門滴盡銅壺笑語溫韋曲西來春

盜盜嘉陵南去雨昏昏蜀箋細字題清怨巴曲哀

音愴旅魂折得花枝相憶否梁州回首夢慈恩

十年兩度展明裡江海空餘汗漫身春老鷓啼催

入蜀年衰鶴病悔遊秦琴臺再訪當爐子簾肆重

過賣卜人興盡蕭然問歸艇碧雞坊外府江津

李長

古詩鶴病
悔遊秦

年來有味是三乘著紫伽梨苦未能此日只如行

脚去歸來應似罷參僧百城煙水雲隨屨方丈跏

跏趺雪暗燈五月岷江新漲闊朝辭白帝暮江陵

過琉璃河

琉璃河上駐征驂柳花輕冰未蘸藍三十六陂春
水岸可憐渾不似江南

白河店謁椒山先生祠

墓在店北二里
去麒麟冢不遠

孤城初日上驅馬白河濱祠宇瞻喬木清流擷渚
蘋觸邪真解廌守家是麒麟
烈祖旌忠日光

輝四十春

順治十五年 詔刺忠愍二疏 御製序
文曰旌忠錄頒 賜廷臣今三十八年矣

新樂縣驛亭有感往事

古驛鮮虞國寒蕪新市城鶯花殊寂寞野水自縱
橫衣帶日以緩浮生還自驚敗垣蒼蘚合何處認

二十七

龍尾續詩卷四

二

題名

蘭相如墓

智勇存危趙相如第一人特書王擊缶間道辟亡
秦故國山河改孤墳草木春魯連終蹈海千古共
悲辛

真定題臨濟廢寺

欲問西來意因叅臨濟師主賓誰辨取棒喝任交
馳野鶻巢危塔行蝸上斷碑何因一莖草寶界現
琉璃

早發獲鹿縣

小邑淨如拭煙嵐朝打圍忽忘行役遠只似故山
歸瀑水侵官路清流浣客衣溪邊鳧鴈喜拍拍泛
晴暉

自獲鹿至井陘道中雜咏四首

纔過鹿泉上呀然開土門崩崖一綫路喬木幾家
村障日山多暝浮嵐晝易昏聞雞已亭午身在武
陵源

少日紛多慨龍門太史書劫殘秦復趙齒冷耳兼
餘豈謂無雙士而師李左車到頭鐘室恨功狗竟
何如

蠶尾續詩卷四

三

冶水三冬煖西來燕尾斜似聞藏礬石小住問丹
砂急瀨喧危徇疎林卧斷槎魚牀將蟹堞隨處可
移家

斷岸雷方殷奔瀧雪又飛魚驚如避筍鷗下未忘
機巔石何遷次瞿塘定是非倦遊三萬里誰為寄
當歸

予壬子入蜀甲子入粵及茲丙子
再使秦隴及蜀凡行三萬餘里矣

次井陘縣

千嶂通關路雙溪遶縣門亂流爭浦漱水碓聒朝
昏夕照魚蝦市寒煙桑柘村當年穆天子雨雪獵

高原

故關

絕塞依天險雄關鎖地維石橫千仞壁松偃萬年
枝盡日無飛鳥經春卧老羸見北史槐花秋雨裏重憶

舊題詩

壬子秋過此有句云西風忽送蕭蕭雨滿路槐花出故關

度故關感懷亡友葉文敏公

壬子秋于此賦二詩寄葉

拄笏迎朝爽看山拂帽帚

舊詩云冒雨看山拂帽帚

風生土囊口日

射太行雲往事浮煙散心知落葉分何時玉峰下
宿草醑孤墳

平定西道中即事

伏流處處瀉驚湍赭石荒岡眼倦看何似小園松

蠶尾續詩卷四

四

竹下玉螭乘月吐清寒

祁縣訪戴楓仲見其子永豐令記知以壬申

歲逝矣輓之一首

麓臺山畔已深春侯甲河邊起暮塵耆舊百年誰

碩果江湖萬里慣勞薪

子白謂也

楓丹笠澤思漁父草綠

昭餘醑故人一笑猗歌揮手去嗟來桑戶返于真

子昔為楓仲作舟楓閣長句引張志和夢楓樹生腹為比又為賦天馬鼎多父敦二歌

韓侯嶺題辭

烏喙那堪共良弓久自藏一軍驚大將千古痛真
王勢已歸諸呂何勞守四方世家誰載筆讀史淚

雷棠

趙城道中懷門人黃自先張漢瞻周策銘殷
彥來蔣靜山諸子兼寄幔亭弟

白首京華七見秋田園蕪沒未歸休陽關又盡一
杯酒蜀道重尋萬里遊遙憶美人隔湘水頗哀老
子困壺頭苦思下澤車中語慚愧平生馬少游

洪洞縣謁韓忠定公祠

弘恭已自收蕭傅夏惲翻能殺呂強枉使空同奮
刀筆子規不勸李東陽

過臯陶廟偶感范滂事題壁

靈尾續詩卷四

五

汝南范孟博高義薄雲霄未遂澄清志先逢黨錮
朝大名齊李杜幽憤祭臯陶南北甘陵部千秋恨
不消

平陽懷古戲作

漢宮貴主顏如花何異婁豬求艾豨漢家將帥亦
無種昔為騎從今同車鄭季長孺是何物一朝門
戶生光華生兒願得如衛霍悔不給事平陽家

猗氏縣衛爾錫中丞見過賦贈

鴨綠江頭絕鯉魚冷狐城畔攬君袂聲名京兆三

王後衛先為京兆尹涕淚中山滿篋書都護夜郎餘部曲神

人姑射本清虛從今晏坐消殘劫一室何妨自掃
除

郭有道墓

介休縣
二首

大槐坂上逐車塵爭效先生折角巾至竟清流解
亡國望門投止是何人

謁文忠烈公祠

精神如破貝州時晚節猶能動四夷天遣不同韓
富沒姓名留冠黨人碑

風陵渡河抵潼關

行盡并汾路前旌欲度關亂帆河曲水隔岸號州

三首

蠶尾續詩卷四

六

山地險煙嵐合時清虎豹閑永懷黃綺侶白首卧
商顏

訪山史讀易廬時久客淮南未歸

多年華下遂君初廿載重過訪舊廬滿徑苔痕侵
竹石當牕嶽色淨琴書山中宰相人誰識江左夷
吾我不如爲報倦遊歸及早淮南無此好家居

華山雜詩七首

玉泉院

目玩玉泉流靜悟先天易多事墜驢時強與人間

事

山蓀亭

結茅孤石稜玉泉下奔注亭空泉尚流上有無憂樹

希夷峽

洞門峽半開鐵鎖垂千丈俗駕自然迴何地容种放

娑羅坪

小憩娑羅坪手撫娑羅樹仰見上方雲時向人間去

毛女洞

三五九

靈尾續詩卷四

七

毛女負琴去倏然松杪飛青冥風露冷髣髴見天衣

白鹿龕

雲中跨白鹿心知魯女生乞我一丸藥相將遊玉清

青柯坪

窈窕青柯館正在西峰罅二十八潭懸飛瀑從天下

青柯坪迴喜吳天童至自朝邑

昨過風陵渡思君役夢魂暮雲低華嶽春水下龍

門轉徙猶三輔艱難共一樽何時逢玉女同到洗頭盆

謁郭忠武王祠

華州二首

便橋蕃部擁風雷單騎纔臨鐵騎摧回紇萬人齊下拜傳呼天上令公來

謁寇忠愍公祠

柘枝舞罷蠟成堆千束吳綾夜宴開不是魏三詩句好誰知無地起樓臺

新豐

漢代扮榆社遺墟極望平空提三尺劍忍啜一杯

三首

寶靈尾續詩卷四

八

羹細雨新豐樹寒蕪小苑城惟餘舞陽廟漠漠土花生

驪山溫泉

曾過繡嶺弔開元廿載華清役夢魂老大不關興廢感重來只似洗腸源

秦始皇冢

下錮三泉銀作池一朝禍發牧羊兒誰知地底連機弩不射周章百萬師

石甕寺

在驪山東繡嶺

當年石甕寺曾對集靈臺青雀無迴信黃虵是禍

胎杜詩化作長黃虬謂祿山也朝雲何日散山月至今來坐久流仙

梵松聲薄暮哀

灞橋

自古銷魂地茫茫喚奈何行人灞陵渡疎雨灤陽過楊柳籠煙薄桃花夾岸多邯鄲東北望流恨滿

雲和即漢文帝令慎夫人鼓瑟處

灞橋柳

灞橋楊柳碧毵毵曾送征人去漢南今日攀條憔悴絕樹猶如此我何堪

城南遊詩十首

羶尾續詩卷四

九

曲江

賜沐逢修禊宜春歲歲遊傳呼夾城仗早御望仙樓捧劍金人曲凌波綵鷁舟新蒲將細柳蕭瑟至今愁

慈恩寺

昨日櫻桃宴今朝鴈塔行紅綾新賜餅淡墨舊題名柳汁年年綠桑田歲歲更殘僧空劫後相對話無生

薦福寺

即聖容院今名小鴈塔

院從唐代建人以寂音傳洪覺範嘗告此水鳥皆聞法雲山

不離禪花邊停浴鼓竹外起茶煙即此忘言說虛
空借坐眠

韋曲

皇子陂邊路風光韋曲多曾鄰天尺五最近第三
坡芳草新年色桑條舊日歌傷春更懷古容易醉
顏酡

杜曲

春衣杜陵宿窈窕一川花舊是岐公宅人傳故相
家名園三品石貴主五雲車今日穠華歇棠梨噪
暮鴉

二
編

暨
蠶
尾
續
詩
卷
四

十

牛頭寺

牛頭鐘梵罷露坐俯樊川明月生秦嶺清光滿稻
田微風喧吠蛤野燒起山煙歸卧禪燈寂心空古
佛前

少陵原工部祠

少陵原下路髣髴浣花村猶似開元日終南對國
門秦川空望眼湘水與招魂忍見桃花落紅英糝
綠樽

樊川桃花

三月樊川路紅桃散綺霞終南青送黛滴水碧穿

沙草色帟腰合渠流燕尾又銷魂過杜曲一樹最

大斜

杜曲南鴻固原下
緋桃一株方盛開

鄭莊

杜陵客西蜀常憶鄭瓜州望古尋遺跡逢人問故

侯有才三絕擅無恙八川流

近交

相望韓莊近同悲

貉一丘

秦愍王墓

陳王鬪雞道今日望陵園石馬前朝賜銅人漢代
原幽蘭悲帝子芳草怨王孫猶有藍田燕年年入
墓門

長安

蠶尾續詩卷四

士

杜曲西南弔牧之冢

兩枝仙桂氣凌雲落魄江湖杜司勳今日終南
山色裏小桃花下一孤墳

咸陽懷古

燕丹報秦仇其志良已大志士不謀身豈必論成
敗一哭馬生角天意若有在交龍為扶輦機橋詎
能害奈何衍水匿骨肉割深愛帝醉顧飛廉四海
遂橫潰徒惜劍術疎千秋發長喟

茂陵懷古

頻年祠太乙晚歲罷輪臺維氏仙何往瑤池信不

迴紅顏鈞弋盡白首子卿哀失勢秋風客昆明又劫灰

李夫人冢

在茂陵西
北數步

長門買賦草萋萋冤魄雲陽杜宇啼惟有佳人解傾國
茂陵長傍茂陵西

楊妃冢

怨粉愁香委路岐祇留羅襪使人悲梨園教就霓裳譜
不似三鄉陌上時

扶風縣早發

車馬扶風道春光冷似秋雲峰會岐下雨脚插梁

三五五

蠶尾續詩卷四

十一

州寥落鶯花日蒼茫汧渭流前程兼隴蜀萍跡信悠悠

馬融絳帳村

絳帳風流蹟尚傳不聞長笛但荒煙李公已爲飛
童死何用區區妒鄭玄

岐山謁周公廟

廟中有
潤德泉

元聖祠堂在娑羅覆殿陰

砌旁二娑
羅樹最古

岐周遺俗古碑

碣歲時深故國千秋祀豳風七月心靈泉聽不盡
三歎有餘音

秦穆公墓

兩霽陳倉曉日紅杖藜來訪橐泉宮千年斷碣荒
煙裏一片殘春秀麥中黃鳥哀時良士盡碧雞飛
去霸圖空子車遺冢猶鄰近長與坑儒恨不窮

雨中武貞菴督學招集東湖

行人衣上雨來自杜陽川湖似郎官好名因學士

傳

有坡公祠

游儵爭唼水垂柳欲生煙重過荷香裏還

勞運酒船

元次山詩不能廢人運酒舫

再集東湖拜東坡先生祠

復有東湖約來當春暮時涼風散高柳微雨灑清
池自識龜魚樂何殊濠濮思仙翁去千載髣髴下

雲旗

汧陽縣

晚上汧陽閣遠山橫翠眉

韋莊汧陽詩遠山如畫翠眉橫

川長連隴首

城古枕隴糜太尉千秋笏

段公秀實汧人

韋郎七字詩不勝

懷古意羌笛暮休吹

登隴二首

隴頭有流水鳴咽至今寒只自流離下那知道路
難秦川已迴望齊瑟向誰彈東道三千里無因託

羽翰

登隴人回首臨關馬顧羣

唐句

遠遊今到此出塞古

常聞不見梅花使，惟看隴水分。故園渺東海，愁絕萬重雲。

隴州縣頭鎮古吳山縣也。有元縣令丁帶十

詩，愛其似姚合武功雜咏，恐其湮沒，表出

之。

瀟灑吳山縣

丁十詩皆以此句爲起

猶傳仙令辭，那知煙草裏。復

見武功詩，過客詢殘堞。田家補廢籬，當年杜元凱。

峴首亦沈碑。

登吳嶽

名嶽標西極，金天作鎮雄。東看連太白，北望盡回

二五五

蘇尾續詩卷四

十四

中日出橫秦時，煙消指漢宮。導岍思禹績，此地鑿

鴻濛。

吳山瀑布泉二首

沂山新望秩，曉色五峰晴。初日林端豁，飛泉樹杪

行。尋源經絕壑，臨水濯塵纓。寂坐丹厓裏，身疑在

碧城。

望輦峰前路，陰厓樵牧稀。千尋雙瀑下，十笏萬山

圍。水石含秋色，雲霞變夕霏。靈湫有神物，金碧射

人衣。

祀雞臺 寶雞縣

三首

東周久已換西秦陳寶何須辨僞真猶有漢家使
持節益州遠祀碧雞神

鳳女臺

弄玉空祠鎖寂寥碧雲天際水迢迢丹青不畫乘
鸞女夜夜月明聞洞簫

賣酒樓

東坡有詩

昨向宜春下苑遊曲江煙景似悲秋珠簾甲帳皆
黃土何必陳倉賣酒樓

寶雞縣南入棧感成

碧油幢引向西川取次重過二十年鐔壘又經新

三才

寶雞續詩卷四

五

戰伐

秦皇威將軍破賊于此

關河不改舊風煙陳倉五夜荒雞早錦

水三春旅夢懸長白山前一茅屋何時送老白雲
邊

棧道雨

漠漠天將雨沈沈日又西林間畫眉鳥更作盡情
啼

鳳縣西溪金絲柳二首

宋苑金絲柳傳來自鳳州經時未憔悴煙態拂人
頭

絲拂金明水根移太乙宮東京夢華後何似此山

中

紫栢山下謁留侯祠

相傳是辟穀處并祀黃石公赤松子

萬木蕭蕭風晝吹深山忽見留侯祠清流白石閱
今古雪栢霜筠無歲時辟穀真從赤松隱授書偶
作帝王師也知烏喙逃勾踐未屑鴟夷學子皮

聞紫栢山絕頂有峩眉老衲獨坐丈室數十
年蛇虎皆馴伏今九十有六矣惜不得其
名字乃作頌古十絕句屬鳳令寄之丙子
歲四月七日棧中留壩驛燈下成

維摩詰

雙蓮尾續詩卷四

六

師利多言說淨名殊默然語言文字外已示祖師
禪

須菩提

善哉須菩提巖間惟晏坐般若是誰聞諸天雨花
墮

惠持

樹中入定僧千年人不識如何去陳留一往無消
息

道超

我愛道超師絕俗耽憩寂退院聞無人蟋蟀鳴秋

壁

寒山

寒山牛跡話此意誰酬酢趙州小廝兒宛有大人作

懶殘

煨火傍羣牛謫來幾千歲懶殘亦俗人誰能為拭涕

地藏琛禪師

栽田博飯喫獨振玄沙道一笑視諸方說禪方浩浩

三子

靈尾續詩卷四

七

法昌遇禪師

法昌亦開爐單丁唯一箇賴有十八賢緘口圍爐坐

黃龍晦堂禪師

山谷大辯才妙義皆糠粃滿院木犀香吾無隱乎爾

褒禪山僧

見冷齋夜話

枕石漱溪流夢見歐陽子覺來萬壑風松聲滿人耳

汎漢江

廣川微雨過疊鼓發中流白獺啣魚上青峰捲幔
收江童竹枝曲漢女木蘭舟歸路重城晚紅燈滿
市樓

大安驛雷雨

客行當四月驟雨過三泉出地雄雷奮穿雲急瀑
懸飛龍氏舊國白馬戍西偏潭毒關前壘英風尚
颯然

潭毒關宋劉子羽退敵處

百牢關

全秦雄百二南盡百牢關人雜氏羌俗天連彭濮
山漢臣傳諭蜀唐計失征蠻歷歷前朝事孤雲落

三五五

蠶尾續詩卷四

六

照間

嘉陵江上憶家

自入秦關歲月遲棧雲隴樹苦相思嘉陵驛路三
千里處處春山叫畫眉

龍門閣

潛水入嘉陵江處即龍洞背亦名葱嶺

四圍碧玉色峻嶒著箇行纏盞飯僧松末風來龍
背冷坐看潛水入嘉陵

籌筆驛

朝天峽上

當年神筆走羣靈千載風雲護驛亭今日重過弔
陳跡祇餘愁外舊山青

意中流水遠愁外舊山青

石曼卿題籌筆驛句也

飛仙閣

山行喜乘流江平况如練崖峇有開闔竹樹一蔥
蒨人言利州風今朝冷然善灘如塗毒鼓舟劇離
弦箭仰眺飛仙閣鳥道危一線彎環歷三朝向背
窮九面絳雲卷輕綃白日遞隱見嘉陵碧玉色晴
雨皆婉變想見吳道玄應詔大同殿此生兩經行
天遣追勝踐醉帽停烏奴已泊益昌縣

蜀諺云利州
風雅州雨

飛仙閣口號

丹頂朱砂玉雪翎朝遊沙苑暮青城前身恐是雲
中鶴曾喚仙人徐佐卿

三才

蠶尾續詩卷四

十九

汎嘉陵江至益昌

今昭化縣

懷何易于

益昌古利州由來五達衢白水合嘉陵山谷相盤
紆我有汎舟役萬里經川塗望古懷清芬所思何
易于刺史乘春下畫鷁盛嬉娛前舟載賓客後舟
羅笙竽索民爲挽舟牽綵須百夫縣令腰笏前挽
舟自先驅刺史驚問狀縣令乃前趨方春耕且蠶
民力方勤勛令適暇無事可以充卒徒刺史聞之
慙上馬如亡逋仁人重一言能使民力蘇考獻徵
樵文撫之載唐書累百守令中尚有斯人無作詩

告有位磬石鑿山隅

晚至昭化縣題孔令見野亭

葭萌朝挂席弭櫂欲三更月上嘉陵水山圍漢壽
城主人具雞黍邀客啟柴荆修竹吾廬似因之故
國情

登牛頭山

連峰去不窮萬壘塞寒空向下惟看鳥憑虛但御
風身投巴徼外目極雪山東五畝湖邊宅何年著
退翁

牛頭山

其上天一握其下潭萬丈峨峨牛頭山排空削千
嶂盤盤石磴危鈎梯絕依傍路與風雲通人出飛
鳥上全蜀萬山圍四顧迷背向歸雲盪胸來浩呼
洶濤浪有如泛香海一葦凌滉漾夔夔爭逢迎鬼
神獻情狀咫尺即岷峨此亦堪輩行

入劍門

銅鶴香浮 玉座温七年 講幄奉明恩此身未
了詩中畫細雨騎驢又劍門

放翁詩細雨
騎驢入劍門

劍門關

鎖鑰川東北雄圖自鼈靈一關橫碧落雙劍插青
冥驟雨蛟龍逼驚風草木腥無才繼張李不敢勒

新銘

劍州夢蔣虎臣先生

壬子秋入蜀先生在峨
眉是冬示寂伏虎寺

巴蜀重來雪鬢增夢餘古佛歎嘉陵手中踣跳紅
藤杖劫外逍遙白足僧七祖門庭叅北秀百城煙
水訪南能兜羅綿界如相待同踏峨眉絕澗冰

郎當驛雨中二首

金雞賜帳事披猖河朔從茲不屬唐却使青驛行
萬里三郎當日太郎當

武連縣南雲氣遮郎當驛北石槎柯西風盡日濛
濛雨開徧空山白芨花

二五十八

蠶屋續詩卷四

三

長卿山

相傳相如讀書
處明皇賜今名

漾舟潼水碧潺湲一抹青峰想玉顏留得文君好
眉黛薄雲初散長卿山

晚渡涪江

涪江水抱山流不見唐家帝子樓記取江東詩
句好澹煙喬本是綿州

緜州漁父村相傳是涪翁故居

越王樓閣已成空州府荒涼苦竹藂猶有煙波漁
父里芙蓉溪上弔涪翁

鹿

抱郭涪江碧玉流一川豐草鹿呦呦倦遊忽憶楊
岐語祇有渠儂得自由

猿

蜀道山猿樹樹懸栗斂開處一林煙六牕不遣獼
猴靜漫說愁猿學四禪

羅江驛夜雨

故縣也今省入德陽
城北有潺水潺亭

前旌已拂鹿頭關風雨勾留不肯閑何處行人最
愁絕潺亭亭下水潺潺

落鳳坡弔龐士元二首

白馬關前夜雨涼斷碑空在漢祠荒一羣鸚鵡林

三九十一

蠶尾續詩卷四

三

間語似憶當年孤鳳皇

沔上風流萬古存魚梁洲畔向江村何如但作鴻
冥好采藥相攜去鹿門

午日張成都譚敘州王遵義三太守招集浣

花草堂

故人相見錦官城五月黃梅雨乍晴真向西川觀
競渡國師休叱野狐精

戲用南陽
忠國師事

謁漢丞相忠武侯祠

碧雞坊外路丞相古祠堂井絡猶天漢穹碑自盛
唐

裴碑
柳書

當年紛野祭異代肅烝嘗慘澹風雲會悲

歌激大荒

昭覺寺贈佛寃禪師

禪窟偶經行逢師萬慮輕大都明祖意何必太僧
生掌內摩尼影堂頭毒鼓聲灼然賓主句無復下
牀迎

題淨居寺清風亭

修篁江寺古荷芰水亭幽欲悟無生忍寧從半字
求菩提本無樹般若亦非舟只自忘言好虛空笑
點頭

淨居寺謁宋文憲公祠

在文殊院

蠶尾續詩卷四

三

一代高文奉至尊那知投老葬蠻村祇應迴向文
殊境共證毘耶不二門

成都懷古四首

司馬相如琴臺

長卿但好色慢世亦何有奈何滌器處風流映身
後快意駟馬歸王孫獻牛酒

揚雄墨池

子雲拒富人風義凜當世何物國師兒乃許問竒
字墨池久荒涼四賦空巨麗

嚴君平卜肆

君平神仙流賣卜亦偶爾蕭然日下簾心契希夷
旨我讀指歸論悵望成都市

李衛公籌邊樓

武侯籌筆驛衛公籌邊樓兩賢不並世風烈俱千
秋功高竟不賞海外志窮愁

漢州西湖

當年房次律此地鑿西湖百頃煙波渺中流島嶼
孤琴亭何寂寞片石亦榛蕪欲問邢和璞三生事

有無

放翁房相西湖詩遠城鑿池二百頃
島嶼屈曲三四里房公石尚存州解

漢州紀夢

二二五

蠶尾續詩卷四

十四

照壁孤檠不自聊隔牕寒雨打紅蕉驚回一枕鄉
園夢身在西川金雁橋

兩下牛頭山二絕句

冒雨下牛頭眼落蒼茫裏一半白雲流半是嘉陵
水

衆山遶嘉陵白雲如玉城江山不相負幸自可憐
生

千佛巖

却
江作大圓鏡山爲寶樓閣莫遣丹霞聞木石總燒

利州皇澤寺則天后像二首像是一比丘尼

鏡殿春深往事空嘉陵禍水恨難窮曾聞奪堦瑤

光寺持較金輪恐未工

洛陽伽藍記瑤光寺尼寺奪堦

瓦官寺裏定香熏詞客曾勞記錦帟今日蘭橈碧

潭上玉溪空自怨行雲

李義山利州江潭詩欲就行雲散錦暹自注感孕金輪處

金牛峽滴水巖

峽口羣峰似鐵圍半空晴雨落霏霏陰谿樹合疑

無路鬼蝶如輪自在飛

峽中多蝶視常蝶大倍之

定軍山謁忠武侯祠

朝登武侯坪遙酌丞相墓渺渺漢川流羣山莽迴

三五九
蠶尾續詩卷四
三五

互背臨巴蜀道前指梁洋路髣髴漢官儀再拜冬

青樹

黃沙驛

稻畦方罫一渠通雨足村村樂事同白水滿塘秧

正綠吳牛閑卧柳絲風

界牌關道中

修竹覆竒壁飛泉來半空人行翠微裏風度紫蘭

蓼暫喜俗塵遠休嗟吾道窮誰爲洪谷子移向畫

圖中

四過東湖題宛在亭

小鴨啜喋萍葉亂三枝五枝菡萏開魯連陂上花
千頃黃帽刺船歸去來

重題茂陵

絡繹甘泉豹尾催君王夜幸栢梁臺當時譎諫稱
方朔也嬖長陵宛若來

謁段忠烈公祠

昭應離宮盡廢丘司農祠廟儼千秋流芳遺臭知
何限火迫當年笑鄭侯

早發臨潼

輦道虛無裏孤城翠靄間西南迴望處滿眼是驪

山

晉蠶尾續詩卷四

三六

華州西溪

往來宮柳路纔訪鄭南珉水木清華色雲峰澹宕

姿江心伏毒寺花外拾遺祠

有子美祠

不見松譚閣松

風日暮吹

郭脣伯宗昌松談
閣在溪上今廢

泚園弔郭脣伯二首

脣伯園中置一
舫居之名齋舫

白厓湖水碧浮天亂石嵯峨凌紫煙十里芙蓉衆

香國中曾泊孝廉船

大華小華皆削成東溪西溪夾鏡明仙人鶴背忽

飛去天風下來聞玉笙

鼎湖原二首

軒轅鑄鼎此荆山弓墮龍髯不可攀多事橋陵一
抔土伴他鴻冢在人間
素女爲師態萬方如聞天老教軒皇馬肝已諱文
成死又見神君祀栢梁

盤豆驛

依然盤豆對藜蘆回望關門岳勢孤思子臺邊一
懷古不知身過玉孌湖

湖城二首

今闕
鄉

泉鳩里畔動悲風回首秦山隔萬重仙意已窮巫

三五

狂蠶尾續詩卷四

三七

蠱起茂陵遺恨犬臺宮

趙鹵誰教近至尊漢庭不照覆盆冤如何病已爲
天子惡謚重蒙又戾園

稠桑驛

感張淑人陳
孺人而作

春蘭秋菊不同芳舊恨新愁爾許長應是三生緣
未了又呼妙子到稠桑

舊函谷關

靈寶

白馬東來開象教青牛西去入流沙至今冠蓋東
西客起候雞鳴到日斜

老子故宅

北邙東望冢纍纍上有玄元古廟基莫以荒唐笑
仙李漢家先奉濯龍祠

次陝州

首春發京國秋氣忽蕭蕭路入三川險人歸萬里
遙黃河流底柱白日下中條河上傳經叟仙蹤不
可招

甘棠

今陝州

弭節甘棠日未晡玉釵金縷散青蕪穀陵此去多
風雨不用尊前唱鷓鴣

許渾有甘棠間
唱鷓鴣辭詩

甘棠驛

蠶尾續詩卷四

天

北寺南牙劇戰爭可憐甘露怨誰明甘棠驛外東
流水嗚咽年年寒玉聲

事見甘棠
靈會錄

魏野草堂

陝郊棲隱處寥落對雲山無復花藏縣曾聞菊遶
灣

二句用
野詩

偶敲紗帽出時跨白驢還尚憶汾陰祀流
風杳莫攀

雨度硤石

函關東望勢嵯峨北顧洪濤俯大河自昔雲山三
晉壯至今風雨二嶠多國殤白骨埋幽草山鬼清
秋帶女蘿想像秦聲思蹇叔夏皇陵下一悲歌

會盟臺二首

混池

秦聲趙瑟會西河御史前書較孰多臨談數言關
大計論功終欲首廉頗

不辭頸血濺秦王進缶當筵氣慨慷十五名城酬
趙璧何如談笑請咸陽

新函谷關

新安

建瓴形勢壓河潼六國逡巡百二雄楊僕移來定
何事妬他昭屈在關中

洛陽

國本爭來黨錮連楚歌楚舞亦堪憐如何鴻鵠高

三五六

蠶尾續詩卷四

三五

飛去又見蒼鵝出地年

望龍門香山寺懷白傅

神女浦前眉月上窈娘堤畔臉波橫輸他六十河

南尹五度香山雪後行

白詩五望香山雪

渡洛水

脉脉中流望盈盈羅襪塵西園魏公子南浦洛川
神蘅薄芳猶在揚林意未申凌波何處問秋水正

魚鱗

洛神

凌波羅襪欲生塵賦裏驚鴻態尚新不信三臺燈

火夜針神真比洛川神

洛川南望

碧嵩清洛洗愁顏伊闕中分兩髻鬟
煖翠浮嵐看不盡
綠山南是伏牛山

白馬寺

伽藍半化洛陽塵漢代鴻臚跡尚新
太息他年窮楚獄
仁祠空解祀金人

王輔嗣冢

鍾會齊名果是非白楊孤冢夕煙微
如何一夕談名理不救河橋誤陸機

二五五

蠶尾續詩卷四

三

維氏縣今假師

白茅授印事何如底許孫卿更上書
桂觀蜚廉人力竭祇緣仙子好樓居

望維山廟

王子乘鸞鶴飄搖伊洛間至今明月夜
鳳吹空滿山維氏仙踪杳東萊漢使還
樓居高幾許天路渺難攀

七夕前二日鞏縣阻雨

大火西流日昇仙故跡存王子晉以七月七日上昇
秋風來鞏洛暮雨阻輾轅欲把浮丘袂
難招杜甫魂工部葬首陽山神嵩如

可眺三十六峰昏

宋陵

鞏縣

洛水邛山飽廢興
宋家幽寢闕魚燈奉香不見臨
安使白日茫茫下七陵

七夕雨抵汜水縣

玉門殘壘外云是古成臯
濁浪喧牛口雄關偪虎
牢青山空楚漢白骨尚蓬蒿
七夕風兼雨悲歌撫

孟勞

紀將軍祠

鞏陽

東門黃屋競傳呼
從此咸陽入帝圖
若遣封侯身

三首

蠶尾續詩卷四

三

不死也須鐘室避娥姁

夕陽樓

鄭州三首

野塘菡萏正新秋
紅藕香中過鄭州
僕射陂頭疎
雨歇夕陽山映夕陽樓

僕射陂白蓮

陂名傳僕射秋氣滿
蘼葭十里銀塘冷
千枝白氎
斜他年履道宅應憶
管城花素手誰攀折
飄零自

水涯

鄭州古管城

圃田列子祠

冷然鄭圃御風遊
四十年如不繫舟
悵餘年還

嫁衛先生老矣又何求

官渡

別駕亡來萬事非夕陽官渡客行稀
袁家新婦應惆悵賸與陳王詠宓妃

中牟縣南湖蒲盧亭是張林宗飲酒處予易名墊巾題一絕句

南郭孤亭野水濱菰蒲獵獵水鱗鱗
林宗未遠風流在不愧亭名是墊巾

板橋

板橋衰柳日蕭蕭回首宣和似暮朝
上巳金明池上飲畫船銜尾駱駝橋

三五五

雙尾續詩卷四

三

昭靈夫人墓

驚風古道卷蓬根何處昭靈墓尚存
不見梁巫陳桂醑野人耕盡小黃園

艮嶽遺址

內殿傳聞燕親去聲唐人詩人主人臣是親家花香風千樹引梅花玉華閣裏分明見不羨堂名萼綠華

謁信陵君祠

趣救邯鄲却暴秦十年留趙事酸辛
大梁歸後匆匆甚日飲亡何近婦人

曹門李中丞蒲陽偕藩臬諸公餞別

梁園送客覆清樽雲作魚鱗日氣昏劍客廟前相
問訊抱關非復古夷門

曹南渡河望南華山

函關已弔玄元宅鄭圃還過禦寇家問渡漆園風
雨裏却臨秋水誦南華

春城堆

金鄉晉郗公故宅

春城堆上弔諸郗絕恨叅軍入幕時只有青溪三
十曲風流猶自憶僧施

南陽聽歌

蠶尾續詩卷四

三

七載離筵喚奈何玉壺紅淚斂青娥瀟瀟暮雨南
陽驛重聽吳娘一曲歌

兩登太白樓

開元陳蹟去悠悠猶有城南舊酒樓吳語曾呼狂
太白洛陽何必董糟丘龜鳧縹緲當牕出汶泗蒼
茫遶檻流眼底無人具實主任城煙雨可憐秋

南池

南池風景地微雨墊巾來盡日聞蟬語無人共酒
杯一亭楊柳暗四面芰荷開萬里橋西宅新經蜀

國回

龍女祠

汶水北岸

冰綃霧縠映迴波半額宮黃感黛蛾
欲采香蘋慰幽怨不須深避庾毗羅

帶經堂集卷五十八

五七

龍尾續詩卷四

三

帶經堂集卷五十九

歙門人程哲校編

新城王士禎貽上

蟹螯尾續詩五

續集上

夢遊三山圖歌為尤悔菴太史賦

故人昨有夢夢落滄海東海中三神山往來倏忽
隨長風上有金銀宮闕互虧蔽下有雲濤汨沒相
撞舂蕭灑古仙人漆園傲吏逍遙翁莊歲星不見

幾千歲劃然一嘯驚鴻蒙

東方鴻蒙澤見
郭憲東方先生傳

羲皇上人

北牕卧流觀山海須臾中

陶謫仙騎鯨去采石

李

玉局西返峩眉峰

蘇

或被天衣駕煙鴻或乘雲氣

三十三

蟹螯尾續詩卷五

一

騎飛龍西堂八十方兩瞳生不並世道則同笑指
桑田洗毛髓下視六合塵濛濛兜率海山等遊戲
夢耶覺耶皆虛空三千里外訊占夢漢廷尚有大
王公

觀演瓊花夢傳奇東龍石樓宮允八首

歌舞并州暫許窺心如牆壁阿誰知尊前唱徹銷
魂曲不奈橫陳嚼蠟時

歌似遊絲裊碧空舞如洛浦見驚鴻三鄉陌上聞
風水偷入霓裳曲調中

臨川遺跡草蕭蕭絕調荆溪

謂吳石渠

又寂寥自搯檀痕

親顧曲江東惟有阿龍超

貫酒旗亭風雪顏涼州一曲唱雙鬢舊傳龍袞江

南錄新譜江郎夢筆山

劇譜江某事

隻手雙提將相權晚昇碧落珥貂蟬真靈位業都
如此那許孤寒到日邊

漏盡何辭倒玉壺清歌十斛走明珠金荃曲妙無
人解合付柔奴與態奴

三年書記揚州夢一夢揚州三十年誰識蕃釐舊

遊侶白頭猶剩杜樊川

予去揚州二十有一年矣

香山翠色玉泉流小別俄驚二十秋不負殘年好

二八五

晉書續詩卷五

二

風景千峰霽雪一登樓

昔與芴芴蒙西樵雪後遊西山亦二十四年

題張翀花卉二首

乙巳作追錄

曾過桃葉渡不見春蕪閣何處曼殊花忽從卷中
落

楚客寫芳草汀洲蘭杜春芳香持作佩欲寄湘中

人

為門人顧俠君

嗣立

題小秀野二首

屋上青山看鄧尉門前流水即滄浪更添五畝閑

花竹何似君家舊辟疆

前身慧業應金粟家世風流是玉山他日凌風一

相訪開吹鐵笛過雲間

雨後門人鍾聖輿隸送芍藥報謝二首

十年不復過豐臺多負花時澱盞杯愛爾清才如
小謝故吟紅藥遣春來

新綠橫牕穩畫眠一簾微雨似輕煙晚晴睡起維
摩榻花氣撩人又破禪

題門人宋山言至學詩圖兼寄牧仲中丞

名家文采更堪論七葉雕龍舊相門却笑當年韓
吏部生兒渾不辨金根

送彭羨門少宰予告歸海鹽三首

蘇尾續詩卷五

三

達人貴止足筮爻得天山挂冠去神武養拙歸丘
樊朝上北闕書夕問東吳船為別當重陽雲物淒
以繁黃菊照離尊丹楓羅廣川賓鴻正南翔流聲
雜哀絃南鴻歸有時解后知何年

與君初結交乃在弱冠時卓犖皆負俗雲龍歛追
隨九日登薊丘慷慨賦新詩橫槊當曹公

順治己亥偕
曹學士顓卷

登高賦五
七言詩擊筑思漸離直視督亢陂斗酒安足辭俛仰

四十載容鬢各已衰今辰復重九少壯非前期惟
應尺素書慰我長渴饑

夕次直沽津晨發鮑丘水輕帆駕雲濤倏忽即千

里北望懷故人南歸戀粉梓故國與故都暢然皆可喜慨茲搖落辰秋聲感人耳落木紛川塗寒蟬鳴不已零雨與晨風離憂從此始

再送羨門少宰

早年燈火共長安垂老悲歌易水寒故里黃花三徑好重陽白雁九秋殘玉衡去後留民譽金粟歸來穩釣竿十載聞雞同左掖臨歧清淚忽泫瀾

題門人朱子青細詩卷

吾州之湖號蓮子

明湖一名濯纓湖又名蓮子湖

數峰純浸湖光裏當年房豹亦佳人

解道風淪歷城水橡村居士苦耽吟

蠶尾續詩卷五

四

吟寄我新詩韶護音髣髴鵲華秋色好扁舟繫著使君林

題梅桐厓中丞黃山采葯圖二首

三十六竒峰峰峰雲海中誰能賦采葯獨有陸龜

蒙

天隨子有采葯賦

君住謝家山蒼翠落牕几何事訪軒轅迢迢三百

里

為李公凱學士題謝西村雜畫三首

陶峴三舟載賓客鷗夷一舸下姑蘇不如細雨斜風裏還我煙波舊釣徒

一帶青山罨畫長半篙春水即滄浪
鳧翁濯濯蒲芽短黃柳千絲亂夕陽
崦隔雲林石磴危林端紺宇露參差
分明倚杖開先寺雙劍峰前看瀑時

題宮中丞登岱海市二圖二首

紫氣來江左青方首秩宗金絲聞魯壁
風雨撫秦松日觀翔孤鶴天門憶六龍
漢儀推應劭早晚紀登封

謝公山澤興放眼到之罘城郭鄰鮫室
風煙結蜃樓一泓俯滄海九點辨齊州
夙昔懷坡老真追玉局遊

蟹尾續詩卷五

五

碩揆禪師住三峰祖庭有十月桃花
四月梅花之異老友錢湘靈孫赤厓皆
爲賦詩自吳中來徵予作爲賦六絕句
寄之

桃根桃葉鬪妍姿解道盧家醜面辭
爭似祇林不搖落紅花白雪恰同時

玉笛吹殘楚水涯江城五月落梅花
石泉槐火三峰下真見仙人萼綠華

想像靈雲一見難桃花作飯阿誰餐
上春不屑嬌穠李留伴空生閱歲寒

冰姿一樹壓雕闌
梅子青青已帶酸
誰信暗香疎影裏
綠陰黃鳥殿春殘

名葩何必競芳春
狡獪從知造化神
依舊汾陽玄

要句重陽九日菊花新

漢月大師建立臨濟玄要宗旨師其嫡孫

巖中晏坐幾經年
般若何曾一字傳
任是無聞總歡喜
隨時花雨散諸天

送馬生歸金陵

隨身鉢袋與軍持
慙負年年白社期
君到獻花巖畔去
爲予一謝嬾融師

常少司空奉使西域回賦贈

蠶尾續詩卷五

六

曾騎白馬度安西
都護名從絕域題
雪嶺天寒人去少
河源日落鳥飛低
彈碁握槊分曹出
皓齒青蛾按拍齊
東入陽關更回首
輪臺春草正萋萋

題張杞園待詔遠遊圖

屈生蕉萃江潭後
始載雲旗賦遠遊
何如世外張公子
早駕飛鴻徧九州

題門人狄立人億庶常載花圖六首

輕陰細雨養花天
淺絳深紅載滿船
也似碧雞坊外路
不妨人喚海棠顛

陸放翁詩走馬碧雞坊外路市人喚作海棠顛

兩度虛從錦里迴
燕宮花事剩莓苔
風流輸與江

東客不用梁州打始開

嬌紅映肉怯中單
淥水春江正薄寒
誰似玉山風

調美朝朝側卧捲簾看

韓致堯詩海棠花在不側卧捲簾看韓號玉山樵人

曼殊沙與曼陀羅
香色料量不較多
髣髴散花天

女侍前身應是病維摩

時方屬疾乞歸

紅雲洞裏覺春深
蹋颯何愁風露侵
常笑吟詩張

學士川紅擬似水林檎

宋張冕賦海棠詩云水林檎發一攢攢

曉妝倭鬢露盈盈
卯酒微酣頰暈生
他日流傳新

樂府祇如名士悅傾城

送陸廣明視學四川二首

蠶尾續詩卷五

七

當年持使節相見粵王城
何意三巴返重逢
萬里

行文翁方教授杜撫幾門生
再勒宣公碣聞孫繼

令名

子甲子使蜀陸方令英德今又使蜀初歸

江左傳文賦才名大陸知
王程犀浦道弟子鹿鳴

詩滴博千秋雪摩訶六代池
公餘倘懷古吟卷寄

相思

孫赤厓孝廉七十奉寄

卓帽歸來兩鬢絲
依然海鶴舊風姿
清規誰似邴

根矩真樂無如榮
啟期洛下近添耆
老會鄴中都

誦建安詩尚湖春
水濃如酒誰共扁舟
倒接羅

題王石谷騎牛圖

送君歸去鳥目山想見昔人清淨退來往騎牛澗
谷中往往往神光射牛背

再送石谷歸常熟

君訪慧車子言歸鳥目山帆隨五湖闊心與孤雲
閑潑墨營丹嶂開籠放白鷗遙知破山寺高卧掩
松關

破山寺唐人
常建題詩處

送王令詒

原

之宦銅仁

以茂名
今改任

乍返扶胥櫂還乘楚水槎人如訪勾漏地自足丹
砂蠻俗猶輸布徵書定及瓜一歌沅有芷離思滿

三四

蠶尾續詩卷五

八

天涯

題鍾文子師桷園溉竹圖

園有金線泉七
十二泉之一

梁園修竹久凋零金粉蕭條草自青惟有白頭王
孝逸昔遊如夢記汾亭

為張敦復宗伯題王石谷畫

眼明忽見楚江船烏桕丹楓歲莫天憶在滌岑修
竹裏滿天風雪指龍眠

滌岑陳黥公
兵部別墅

送門人蔣靜山

仁

錫之大同

結束曉蒙茸貂裘犯朔風亂山橫代北匹馬入雲
中冒頓曾鳴鐃祁連昨挂弓清時思魏尚懷古意

無窮

夏日有事吏部坐藤花下呈玉峰吳盧二少

宰

日斜人吏散雜坐古藤陰時有涼風至冷然開我襟周行聊寄跡丘壑共論心尚憶延陵叟清徽感

至今

藤相傳吳文定匏
恭官少宰時手植

題門人許不棄

遇

石林山居圖

友人有所

石林卜築此幽栖浩劫重來路不迷彷彿憑闌吟
七字野航人遠鴈聲低

周機園侍郎昔示予名人畫冊
有有介題句云云予深愛之

甘泉宮長生瓦歌為門人林吉人

估賦

三

寶龜續詩卷五

九

漢宮一百四十五

三輔黃圖漢畿千里內
外宮館一百四十五所

橫絕南山包九峻

未央建章最廣麗渭北更起甘泉宮甘泉之山化

金碧千門萬戶交玲瓏通天臺高屹宮表下瞰雲

雨青濛濛武皇求仙跨滄海射魚牽犬東門東

泰始

皇紀立石東海
上以為秦東門

孫卿已誅五利死飛廉桂館猶寵從上

陵磨劍勢一變雲陽煙草悲秋風甲帳珠簾盡黃

土何況片瓦埋荒叢林生

何

好古極幽蹟短衣匹

馬空山中太乙壇邊弔鈞戈悲歌躑躅斜陽紅此

瓦出土事非偶長生古篆疑神工濯以清泉襲縹

錦攜歸嶺海光能熊令弟繪圖亟示我使我懷古

心忡忡終南渭水舊遊歷漢家陵闕隨飛蓬豈知
一瓦供賞識遠與石鼓岐陽同兄視羽陽羽亦作棧弟銅
雀織兒慎勿加磨礮

題公凱學士寫真

脩然海鶴擬風姿千尺寒松晏坐時常憶摩訶池

上月清光相對細論詩

故蜀宮即王衍摩訶池王
子秋與學士同校士于此

新安畢喁谷

熙陽

以畫梅十幅題詩遠寄京師

感其意賦答

前戶部侍郎
東郊先生子

昔我登蟠螭維舟虎山橋仙人萼綠華一笑相招
要十里梅花林玉雪寒蕭蕭身入衆香國天花競

三四六

蠶尾續詩卷五

十

飄搖回首四十載日夢漁洋椒何意黃山人新詩
慰無慘一幅花光梅疎影羅生綃寒花間的礫翠
羽聞啁嘲自言白沙嶺手種青山坳戴笠風雪裏
滿目英瓊瑤感此懷舊遊銅坑路迢迢寄語漸谿
隱他年希見招

題高江村詹事梓花圖二首

文梓青牛事已遐瀛山重見滿林花九成絳雪人
間少須問仙人蔡少霞

天半朱霞照赤城輕綃貌出可憐生一從寫入吳
都賦平仲君遷枉擅名

題冒君愛馬圖二首

辟疆之孫

懸雷山前碧水潯羣賢高會似山陰那知三十年
來夢又續幽州馬客吟

鑿蹄驕馬五花文赭汗蘭筋迴不羣金埒勞君勤
拂拭他年一戰立功勳

題門人曹希文

才三

浮家汎宅卷

癸亭煙水望烏亭細雨斜風汎杳冥千古風流兩
漁父蘇蘭新桂有樵青

答耦長惠畫時將歸宣城

流雲閣踈雨閉戶寫孱顏十幅江南意雙羊故國

二子吟

蠶尾續詩卷五

十一

山深情托毫素老筆失荆關畏說秋風起琴溪一
櫂還

題禹鴻臚卜居圖

白沙翠竹淨娟屋角扳罾屋後船除却圖書雞
犬外更無殘客與周旋

送同年杜肇余大宗伯予告南歸二首

御書
煙霞者

舊賜
以寵之

遺榮一疏謝金貂祖帳東門集百僚北斗星文兼
將相公先為
大司馬南宮地望迥雲霄直清譽重推三禮禁

近恩深荷 兩朝最羨鱸鄉亭下泊蓴絲入饌雨

瀟瀟

潞亭雲樹望中迷一片歸帆落日低心戀觚稜別
金馬夢回煙水聽潮雞五湖蝦菜身將隱九列功
名物久齊亦欲投簪東海去便從梅里問幽栖

庚辰七月廿六日雨中東便門外餞杜肇余

大宗伯南歸寄子文

時分司大通橋

煙水忽空濛鳧鷗競凌亂雲帆集浦口疑是江南
岸零雨送歸人詎免盈襟歎故人何水曹雅詠富
篇翰高齋臨枉渚蕭晨起清盥琴書雜坐卧文史
互鈎貫安得青翰舟相將沂波瀾

三三

舊尾續詩卷五

十一

高梁橋即目戲東門人陳子文

奕戶部

清流十餘里時復愛鵝羣借問陳驚坐何如王右
軍

題門人查聲山

昇花谿石漾圖

卜築傍龍山遶舍盡流水山重水掩處一徑桃花
裏竹邊麋眼籬松下烏皮几偶爾坐釣魚吾已忘
筌矣

為門人宗梅岑

元題荔支圖

庚戌舊作追錄

妃子宮中病齒時紅塵川使與星馳不堪重問華
清事又向丹青見一枝

悼亡詩哭張孺人十二首

落葉哀蟬斷送秋他生未卜此生休
梧桐淚與芭蕉雨并作西牕一夜愁

一夕金風起白蘋幾聲哀鴈助沾巾
紅牕依舊明明月不向羅幃鑒玉人

水簾銀牀夜色幽涼生風露碧雲秋
最憐目斷黃姑渚無復金鈿乞巧樓

流螢幾點墮輕羅靈鵲傳聞此重過
極望白榆空歷歷張星依舊隔天河

閏七夕

碧海青天欲見難月中誰伴女乘鸞
可憐三五嬋娟影只映方諸淚不乾

蠶尾續詩卷五

十一

白頭重作蜀川行聽盡千山杜宇聲
記得夢回金雁驛酒醒中夜臉波橫

丙子使蜀雨宿漢州有詩紀夢

曼睩橫波一顧時素妝不屑沈胭脂
成都畫手丹青筆難寫天然却月眉

稱體天衣恰半銖不離丁緩博山鑪
祇今桁上衣猶在縹緲餘香尚有無

廿年往事憶前塵離合神光似洛濱
自有宓妃留不得那能憐取眼前人

鼉車幾日返神霄青雀西飛竟寂寥
千里鸞岡如

黛色空留甲帳誤文簫

愁聞別鶴與孤鸞拂拭龍脣一再看江上峰青人

不見美彈今日是哀彈

見孟東野詩

暫離永訣怨俱盈嚴樂空教號筆精春水綠波春
草碧從今何處不關情

哭女婉四首

左家織素豈忘情玉女窺牕似隔生悵悵前一
堆雪梨花燕子又清明
冰魂玉骨絕纖塵綠盡依然返上真不共麻姑玩
清淺也隨南岳魏夫人

三六

蠶尾續詩卷五

廿四

三鄉陌上望仙山有女乘雲去不還何處回車腸
欲斷空留玉几在人間

厭聞四姓說高門牽犬風流素業存捲却南宮舊

圖畫雲山忍見大姚村

米元章居吳嫁女子大姚村有大姚村圖

題觀海圖二首為幔亭弟

我聞海上三神山終古虛無縹緲間何人解作鮪
鯨引浩浩天風一霎還

丹厓翠壁高崔嵬下瞰萬里雲濤堆阜鄉玉鳥渺
何所笑把安期歸去來

題陳子文戴笠圖

平生恥作搥髀歎，戴笠行吟頗自如。眼中不少乘軒客，相揖何勞更下車。

題林吉人看雲圖送之歸閩二首

終南雲物入秋竒，輞水淪連月上時。絕景千秋誰拾得，丹青一幅右丞詩。

秋光九曲望紛紛，惟有清流和白雲。一片征帆留不得，歸心先寄武夷君。

送棲霞楚雲禪師歸南岳

孤雲無所住，又欲返三湘。白巖行秋色，朱陵澹夕陽。蒼梧思帝子，斑竹淚英皇。已是空生者，終然戀

故鄉

師湖南人

題門人朱翠庭從延載菊圖

結廬背城市，遶徑幽蘭馥。扁舟練川至，復載東籬菊。月令有特書，騷人蒙齒錄。歲歲雪霜中，爲君媚

幽獨

送徐勝力閣學致政歸禾中

此別屆三秋，清樽當七夕。明河耿遙夜，華燈照離席。學士挂銀魚，去作扁舟客。龜島千里青，鷗羣五

湖白。君家小長蘆，鱸鄉望咫尺。蓴菜步兵思，杞菊

天隨宅。歸謝朱與彭，予懷在三益。竹垞檢討美門少宰

題卞中丞紀年圖十首

綠橘黃橙未受霜，楊梅先熟蔗為漿。先生也似東坡老，夢遶吳山却月廊。

坡詩夢遶吳山却月廊，
廊楊梅盧橘覺猶香。

花時河渚鏡中游，茗椀鱸熏列兩頭。知有何人伴幽獨，四山香雪一孤舟。

桐君山出白雲層，雲外荒臺盡日登。烏柏丹楓秋色裏，瓣香新酌古嚴陵。

蒼筤林中宴坐溫，本樨香裏對忘言。語言文字銷除盡，便是文殊不二門。

憑將忠信涉波濤，橫海樓船擁萬艘。手拔鯨牙歸幕府，荔枝香裏解弓刀。

蠶尾續詩卷五

十六

翛然琴鶴出甌閩，回首風濤百戰身。荔子殷紅榕葉碧，江郎山下一歸人。

耿耿銀河拂地流，霜催黃菊雁橫秋。橋南荀令銷魂日，纔聽言愁我欲愁。

予悼亡甫
一載故云

萬峰飛雪暗蠶叢，拄杖過眉老衲同。禪會圖中舊相識，三生還踏隗囂宮。

名士軒頭六月時，科頭長日對漣漪。行吟淥水紅蓮裏，身是風流庾杲之。

御蓋遙臨越望前，八神警蹕衛山川。畫圖省識辛

壬蹟父老長傳已巳年

門人陸次公

輅

通判撫州半載挂冠重建玉

茗堂于故址落成大宴郡僚出吳兒演牡
丹亭劇二日解纜去自賦四詩紀事和寄
落花如夢草如茵弔古臨川正暮春玉茗又開風
景地丹青長憶綺羅人瞿塘迴棹三生石迦葉聞
箏累劫身酒罷江亭帆已遠歌聲猶遶畫梁塵

題門人朱悔人

載震

匡山三疊泉圖

當年信宿開先寺親見青天下白龍急峽雷霆雙
劍瀑危橋風雨萬株松日窮遠勢含滄海興盡探

三才

管尾續詩卷五

十七

竒過別峰輸爾緣攀上三疊雁門僧伴一枝筇

開先瀑布

自雙劍峰飛下寺門橋畔有佛印松

題門人黃硯芝

夢麟

宮允黃山采芝圖

我愛黃中允蕭然冰雪容栖遲依館閣懷抱入雲
松豐樂花時雨軒轅雪後峰肉芝如可拾去去躡
仙蹤

再題黃山采芝圖

三十六峰青不齊容成遺竈隔丹梯迴絃一鼓商
山操自抱孤琴去阮溪

送涓來大宗伯致政南歸卜居金陵五首

早抗歸田疏今朝竟賦歸臨池看鳳去遵渚羨鴻
飛白社還初服青山望袞衣自慙留滯久惻惻寸
心違

淡墨題名日紅顏各老蒼浮生空碌碌壯歲去堂
堂世外還丹訣林間選佛場何因攜手去長嘯白
雲鄉

寒山將捨得無著與天親浩劫聊乘願孤峰欲卜
鄰虎溪因不昧蓮社約重新共理無生話誰爲及
第人

笛步初停棹樊川舊卜居誰云建業水不及武昌

名少文
蠶尾續詩卷五
六

魚桑下曾何戀扁舟信所如太平無事日閑煞老

尚書

未用張文
定方平語

家聲元太史

尊公翰
林先生

令子已中丞蓮府推王儉龍門

重李膺歸裝但詩卷長物有行滕清獻高齋裏依
然出定僧

題張小白
皓舍人涉園圖二首

好事張公子名園顧辟疆竹陰通鶴柴瀑水激魚

梁海近帆檣集雲深洞壑藏何如王給事自繪輞

川莊

檻曲交珠箔廊迴映綺疏小山皆婉孌叢桂亦扶

疎綠樹聞歌鳥紅泉出媵魚黃門休沐暇曾此賦
閑居

題周燕客松風流水圖

周侯有逸尚寄意在焦桐山石何寥寥寂聽惟松
風風水兩相薄激叱傳無窮昭文罷不鼓目送孤
飛鴻至人會天籟不在絃指中如聞水仙操刺船
將往從

題盧溝送別圖送周七燕客之揚州

二月都亭折柳條盧溝風雪正瀟瀟酒醒何處江
樓笛已泊隋家廿四橋

二五十九

蠶尾續詩卷五

十九

春日懷樊川舊遊

當年曾到杜陵原石鬣春流遶寺門直向桃花深
處去午雞聲在夏侯村

花下

兀兀心空似老禪春陰又及養花天顛毛白盡風
情減猶泛朱提舊酒船

韓詩我有雙飲
蓋其銀得朱提

雪中梅花

南牕明月上光景紛竒絕移得羅浮花初逢洛陽
雪

二月初七夜即事賦得明月照積雪

積雪滿庭除流光復望舒月華生皎潔雪意上清
虛銀椀盛難見金波映有餘提婆宗會否于此契
真如

題汪玉輪狀元看劍圖

爛如列星下垂芒光如秋水翻濤江赤堇山閉若
耶涸君從何處逢干將一麾三軍盡辟易晉鄭萬
人頭畢白世間兒女競恩讐肯使太阿輕一擲

韓詩
李翱

觀濤
江

紅線

漳水向東流銅臺露未收六城千里道一葉五更

三五九

寶鑑續詩卷五

三

秋金谷銷兵氣紅顏赴國讐洛妃乘霧去空怨木
蘭舟

聶隱娘

太華三峰隼高風九月秋雙丸輕將相一決判恩
讐身逐猿公去心爲僕射留棧雲千萬疊何處問
刀州

過涿州憶魏闈進香事慨然作

段張朽骨已成塵媚子何心殺黨人賴是天心延
一紀未教失路小平津

新城南高橋訪崇寧廢寺

皓首重過此芒芒歲月賒荒涼青豆舍寂寞白牛
車梵唄聲皆冷祇林日又斜千年一彈指不必算
河沙

白溝河感宋張公叔夜而作

白溝河上黍離離誰記孤臣絕吭時最是中山高

宴日君王猶賦打毬詩

金帥以道君至中山請賦打毬詩云錦
毬駿馬曉朋分一點星馳百騎奔奪得

頭寧須正過休令緯撥
入斜門寧見北盟會編

雄縣柳

易京樓畔柳婀娜尚餘春秀色分螺黛輕風漾麴
塵垂條縮游騎臨水拂行人若植忘憂館梁園賦

蠶尾續詩卷五

三

競新

歎老口號寄宋牧仲開府

尚書北闕霜侵鬢開府江南雪滿頭誰識朱顏兩

年少王揚州與宋黃州

過徐五東癡墓

秋晚東溪上衰回欲去遲蕭條白楊路婉晚菊花
時已挂徐君劍

子刻先
生遺集

曾題有道碑

近為先
生題碣

未應防腹

痛老淚不禁垂

鏡檻小集

鏡檻臨明鏡迴闌夕共凭人歌秋白苧池薦小青

菱

小青菱出中別是一種

翠合千竿竹寒生六月冰好風起蘋末

莫負酒如澗

陵臺冰井有六月水見西征記

清遠山居雜詠八首

褐錦穿林生鱗鱗苞犀玉春雷動地來一夜成新

竹

玉版書屋

行過曲廊下竹風生午涼胡牀俯流水萬柄白蓮

香

長廊

勞生大火聚有此清淨退心空及第時跣趺入三

昧

清淨退

愛此黃篾舫置近清瑤流海客忘機久時下芙蓉

三子子文

鷗舫

臨屏續詩卷五

三

亂石成略約磴道緣虛空下見龜魚樂田田蓮葉

東

懸居

廊盡得層臺雜花香不歇生衣耐風露莫負清秋

月

望舒臺

一勺檐不流亦復名畚畫春雨穀紋生演漾湘簾

下

小卷畫與谿

池上一拳石稍稍具巖洞茅山歸未歸已作松風

夢

松風巖

題東園承茂堂後三巨石

薜荔爲衣覆綠苔三峰負日各崔嵬何如甲乙竒
章石祇鬪玉杯金碗來

水月寺予少曾讀書其地

明湖東北

漁舍遶精廬重過四紀餘青蘋紛枉渚白鳥上階
除南浦豆花水西方蓮葉書半生流浪跡又到化
人居

讀文書天眼二絕句

崙摩彈琴時迦葉敗其道如彼毗藍風崑崙成腐
草

性愛親豪族如簧亦辯才是人經浩劫鸚鵡識中

來

三子詩

蠶尾續詩卷五

三

答梅子翔淵公見懷四首

追錄庚申年作

畫遞詩筒未寂寥相思頻逐晚春潮應知今夜江
南夢又過新林向板橋

宛上谿山畫不成諸梅才調擅縱橫怪來句帶澄
江色家在南朝小謝城

紅白花開山雨時故人相憶水西湄半醒半醉遊
三日耐可閑吟杜牧詩

詩翁愚並馬愛尋春梅子耦清吟日幾巡那得當

杯慰悵悵瞿硎東渚兩比鄰

手折貝多樹植廣州使院一少而生意鬱然

題詩楣間以紀歲月

南海集逸
詩追錄

貝葉無根插短籬一朝春雨發華滋他年誰續羊城志記取洋漁手種時

帶經堂集卷五十九

子

帶經堂集卷五十九

三

12024

